

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 49

22 აგვისტო, 2025 წელი

ქ. თბილისი, თავისუფლების მოედანი N 2

13:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ლევან აბაშიძე. სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიზლოშვილი

მარიამ ზაქარიაშვილი

თამარ ჩახვაშვილი

კომისიის თავმჯდომარემ კენჭი უყარა დღის წესრიგით წარმოდგენილ საკითხებს:

დღის წესრიგი

1. ქალაქ თბილისში, დიდუბის რაიონში, ბორის პაიჭაძის ქუჩასთან არსებული უსახელო სკვერისთვის 13 მაისის სახელის მინიჭების შესახებ
2. ქალაქ თბილისში, მთაწმინდის რაიონში, ფრიდონ ხალვაშის ქუჩასთან მდებარე უსახელო ქუჩისთვის პოეტის ზურაბ გორგილაძის სახელის მინიჭების შესახებ
3. ქალაქ თბილისში, ჩუღურეთის რაიონში, დოდო ჭიჭინაძის ქუჩასთან არსებული უსახელო მოედნისთვის მსახიობის დოდო ჭიჭინაძის სახელის მინიჭების შესახებ
4. ქალაქ თბილისში, ჩუღურეთის რაიონში, პაატა სააკაძის ქუჩის მონაკვეთისთვის დოდო ჭიჭინაძის II ჩიხის სახელის მინიჭების შესახებ
5. ქალაქ თბილისში, კრწანისის რაიონში, სულიკო თორთლაძის ქუჩის გაგრძელების და ქუჩასთან არსებული უსახელო შესახვევისთვის სულიკო თორთლაძის I შესახვევის სახელის მინიჭების შესახებ
6. ქალაქ თბილისში, გლდანის რაიონში, გლდანისხევის ქუჩისთვის აფხაზეთის ომში დაღუპული მეზრძოლის, მიხეილ გამკაძის სახელის მინიჭების შესახებ
7. ქალაქ თბილისში, ისნის რაიონში, ელიას მთის ქუჩის მონაკვეთისთვის და I ჩიხისთვის იელის სახელის მინიჭების შესახებ
8. ქალაქ თბილისში, ისნის რაიონში, ელიას მთის ქუჩის გაგრძელების შესახებ
9. ქალაქ თბილისში, მთაწმინდის რაიონში, ოქროყანაში, ცივი წყაროს ქუჩის გაგრძელების შესახებ
10. ქალაქ თბილისში, გლდანის რაიონში, გიორგი ოდიშვილის ქუჩასთან არსებული ორი უსახელო შესახვევის გიორგი ოდიშვილის I და II შესახვევების სახელის მინიჭების შესახებ.

კომისიის წევრებმა ლევან აბაშიძესთან ერთად დღის წესრიგით წარმოდგენილი საკითხები მოისმინეს.

ლევან აბაშიძემ პირველი საკითხთან დაკავშირებით ისაუბრა და აღნიშნა, რომ საკითხის ინიციატორი საქართველოს სპორტულ ჟურნალისტთა ასოციაციის და საქართველოს ვეტერან ფეხბურთელთა გაერთიანების პრეზიდენტები არიან. მათივე ინფორმაციით, 1981 წლის 13 მაისს დინამო „თბილისმა“ ევროპის ერთ-ერთი ყველაზე პრესტიჟული საფეხბურთო ტურნირი უეფას თასების მფლობელთა თასი მოიგო. ქართველებისთვის ამ განსაკუთრებული და დაუვიწყარი დღის აღსანიშნავად, კომისიამ სახელდებისთვის შეარჩია ბორის პაიჭაძის ქუჩასთან არსებული უსახელო სკვერი.

ლევან აბაშიძის ინფორმაციით, მთაწმინდის რაიონში, ფრიდონ ხალვაშის ქუჩასთან მდებარე უსახელო ქუჩას კომისიას სურს პოეტის ზურაბ გორგილაძის სახელი მიანიჭოს. ფრიდონ ხალვაშის სახელის მინიჭება თბილისის მუნიციპალიტეტის საკრებულომ თავის დროზე საქართველოს მწერალთა შემოქმედებითი კავშირის მომართვის საფუძველზე განახორციელა, იმავე მომართვით, მწერალთა კავშირი ასევე ითხოვდა ერთ-ერთი ქუჩისთვის ზურაბ გორგილაძის სახელის მინიჭებას.

კომისიის სხდომაზე ზურაბ გორგილაძის ბიოგრაფიაზე და მოღვაწეობაზე ვრცლად ისაუბრეს და ფრიდონ ხალვაშის ქუჩასთან მდებარე უსახელო ქუჩისთვის პოეტის ზურაბ გორგილაძის სახელის მინიჭების შესახებ საკითხს კომისიის წევრებმა დადებითი რეკომენდაცია გაუწიეს.

ლევან აბაშიძემ კომისიის წევრებს დღის წესრიგით გათვალისწინებული მესამე და მეოთხე საკითხები გააცნო და აღნიშნა, რომ იუსტიციის სამინისტროს სსიპ „საჯარო რეესტრის ეროვნული სააგენტოს“ სამისამართო დეპარტამენტის მომართვის საფუძველზე კომისიამ განახორციელა ჩუღურეთის რაიონში, პაატა სააკაძის ქუჩის მიმდებარე ტერიტორიის შესწავლა. როგორც დგინდება, პაატა სააკაძის ქუჩის დასაწყისში არსებულ ერთ-ერთ მონაკვეთში შენობა-ნაგებობები საჭიროებს ნუმერაციას, პაატა სააკაძის ქუჩით მათი ნუმერაცია კი დღის წესრიგში დააყენებს ნუმერაციის ცვლილებას სრულ ქუჩაზე. გარდა ამისა, მონაკვეთი წარმოადგენს არა ძირითადი ქუჩის ნაწილს, არამედ ჩიხის ტიპის გეოგრაფიულ ობიექტს. ხსენებული ობიექტის საწყისი წერტილი მდებარეობს პაატა სააკაძისა და დოდო ჭიჭინაძის

ქუჩების კვეთაზე არსებულ მოედანთან. ვინაიდან აღნიშნული მოედანი უსახელოა, მისი სახელდებით პაატა სააკაძის ქუჩის ის ნაწილი, რომელზეც დღეის მდგომარეობით შეუძლებელია ნუმერაცია, ბუნებრივად გახდება დოღო ჭიჭინაძის ქუჩასთან არსებული ჩიხი. დოღო ჭიჭინაძის ღვაწლის და მოედნის მდებარეობის გათვალისწინებით, კომისია შესაძლებლად მიიჩნევს მოედნისთვის მსახიობ დოღო ჭიჭინაძის სახელის მინიჭებას.

ლევან აბაშიძის განცხადებით, კომისიას უწყვეტი კომუნიკაცია აქვს დედაქალაქის რაიონების მაჟორიტარ წევრებთან, რათა უფრო გამჭვირვალე და ინფორმაციული იყოს დამისამართების პროცესი. ერთ-ერთი ასეთი კომუნიკაციის დროს კომისიამ კონსულტაციები გამართა კრწანისის რაიონის მაჟორიტარ წევრთან ლევან ჯაფარიძესთან. როგორც დგინდება, სულიკო თორთლაძის ქუჩის მიმდებარე ტერიტორიაზე მიმდინარეობს ინტენსიური განაშენიანების პროცესი და გზათა ქსელი ჩამოყალიბებული არ არის საბოლოო სახით. მიზანშეწონილია, გაგრძელდეს სულიკო თორთლაძის ქუჩა და მასთან მდებარე უსახელო შესახვევს მიენიჭოს სულიკო თორთლაძის სახელი.

კომისიის სხდომაზე გლდანის რაიონში, გლდანისხევის ქუჩისთვის აფხაზეთის ომში დაღუპული მეზრძოლის, მაიორ მიხეილ გამკაძის სახელის მინიჭებასთან დაკავშირებით იმსჯელეს. მოქალაქის განცხადებას ერთვის მაიორ გამკაძის ბიოგრაფიული მონაცემები და საბრძოლო მოკვლევა, საიდანაც ირკვევა, რომ მიხეილ გამკაძე დაჯილდოებულია ვახტანგ გორგასლის III ხარისხის ორდენით.

კომისიის წევრებმა დღის წესრიგით წარმოდგენილ მეექვსე საკითხს დადებითი რეკომენდაცია მისცეს.

კომისიის სხდომაზე ისნის რაიონში ელიას მთის ქუჩის გაგრძელებასთან დაკავშირებით იმსჯელეს, ლევან აბაშიძის ინფორმაციით, ელიას მთის ქუჩის მონაკვეთს და მასთან არსებულ ერთ ჩიხს კომისიას სურს იელის სახელი მიანიჭოს. კომისია ასევე მიზანშეწონილად მიიჩნევს მთაწმინდის რაიონში, კერძოდ ოქროყანაში ცივი წყაროს ქუჩის გაგრძელებას, ხოლო გლდანის რაიონში გიორგი ოდიშვილის ქუჩასთან არსებულ ორი უსახელო შესახვევის გიორგი ოდიშვილის I და II შესახვევების სახელი მიენიჭება.

კომისიის წევრებმა დღის წესრიგით წარმოდგენილი საკითხები მოისმინეს, კომისიის თავმჯდომარესთან ერთად იმსჯელეს და მხარი დაუჭირეს საკითხების საკრებულოს წინაშე ინიციატივებად დარეგისტრირებას და კანონმდებლობით დადგენილი წესით საჯარო განხილვისთვის გამოქვეყნებას.

ლევან აბაშიძემ სხდომა დახურულად გამოაცხადა.

სახელდებისა და სიმბოლიკის

კომისიის თავმჯდომარე

ლევან აბაშიძე

